

www.BibleForChildren.org

Mahtae 8



Hawc' awn' na loe' seunyi na', a kue' pawe hk'a chec' nang yung' Kana' kuing' Galilae' na'. Ma Eun Yesu' ka ut' mawn'. Peue ku klawng Yesu' Eun mae' tapae' Eun na' ce ing' hk'a chec' yeut.



Yam leuum' pli' bui na' euc' ka na', ma Eun Yesu' ka lah' a ri Heun, "Leuum' pli' bui ce na' euc' ka." Ma Eun Yesu' ka lah' a ri mhai' na' ce, "Hot' ri yeuh ku' kah Eun pe' yeuh na' reu'."



Yesu' Eun lah' a ri mhai' na' ce, "Cin ri seue' leuum' na' nuk htam na' ce reu'." Kop awn' na, ce cin ri seue' leuum' na' nuk hpeng moeng ka htam na'. Hawc' ko', Yesu' Eun lah' a ri ce, "Cit ri heul' tuil' a ri ro' cat' kan' na' eun reu'." Ce ku ti ri heul' tuil' a.



Ro' cat' kan' na' eun cim ri nawk leuum' keut' ri meuh
leuum' pli' bui na'. Eun un' yawng leuum' pli' bui awn'
pun a ri neum tawngnhaw'.


Daecti mhai' cin ri
seue' leuum' na' ce
yawng vang pun a ri
na' yeut.



Ro' cat' kan' na' eun klawng ri mhaing' nang nhum'
pen' na' eun, "A saec' meuh a'nhaw', tuil' peue peue
nyui leuum' pli' bui chak' na'
nanggal', yam peue chec'
na' pun ce ri nyui heun'
hawc' na', koe tuil' ce
nyui ku' ca ri ngos leng
na'. Daecti mi ri, mi
vae' kawn' rokxa'
leuum' pli' bui
chak' hk'ai'
peue na' rot
maet'maen'."




Aen' meuh a het' keuting ku' Yesu' la Eun ri yeuh a
pok nanggal' na'. Eun yeuh a nang
yung' Kana' kuing' Galilae'
na'. Kopti yeuh Eun aen' a
na', a yeuh munhpung' Eun
na' pucti lih. Tapae' Eun
na' ce ku kue' hk'a' yum'
hk'a'naee
Heun.



Yam Yesu' lec Eun nang nya eun Petru' na', Eun pun ri nyu a'oe' eun Petru' peuyhat kuc' ha'lok ka. Ka it'.



Yesu' Eun paic' ti' ka na', peuyhat kuc' ha'lok ka na'
a cuin. Ka kuh'. Hawc' ko', ka nghawm' Yesu' Eun
hk'asom'.



Yam seunyi lec ka a sumsam na', peue va peue peuyhat
maee' peue seuca' lec na' ce ing' ri Yesu' Eun. Peue
veng na' ce gawm'euc'
ce ing' cu ri keunam
ka leuva' na'.




Yesu' Eun bai' peue peuyhat heun' ceu na' ce cuin
heun' peue. Eun ku ra ri tec seuca' na' pucti lih heun'
tu'. Daecti Yesu' Eun un' kah seuca' na' leukah', kopti
Yesu' Eun ci' meuh a'nhaw' na' yawng ce a yeut.



Peue cum heun' na' ce gawm'euc', ce co'ca' ri kaw
pun ri paic' Eun. Kopti ti'ca na' puc a ri lih hk'ai'
Heun na', a yeuh ce
cuin ku peue ri.



A kue' peue pun' peue ce jong' peue
ti' cung chuing' ti peue ing' ri Heun.




Daecti ce un' cang ing' ri Yesu' Eun
kopti peue na' nuknhen' nyawk' ce na'.
Kop awn' na, ce huk' yah pang lhung' ka
nya na' roc' ring vang Yesu' ut'
Eun na'. Hawc' ko', ce ploe'
peue ti' cung chuing'
awn' eun lih gawm'
hk'eung it'
eun na'.





Yam Yesu' nyu Eun hk'a' yum' ce na', Eun lah' a ri
peue ti' cung chuing' na'
eun, "A'ai', map' mi na'
ploe' a ri hawc'."
"Kaw Ui' lah' a ri
mi, kuh' klawm'
hk'eung it' mi na'
ing' ti nya mi reu'."



Hawc' ko', Yesu' Eun lec reu na'. Tapae' Eun na' ce ku
lec a heul' mae' Heun. Guil'
lomleng na' a puing' glu na',
leuum' na' a baet ti kaw nuk
reu na', daecti Yesu'
Eun buih it'.



Yesu' Eun lah' a ri ce, "Peue kue' hk'a' yum' leng na' pe', a ci' meuh kop keunhaw' pe' vae' lhat' nyawk'?" Hawc' ko', Eun kuh' hae' guil' na' mae' ba leuum' na'. A ku keulawn' dit'ti yen'. Tapae' na' ce am' nyawk'. Ce lah', "Hkawn' Eun ci' meuh peue yeuh sa'nhaw' rot ti guil' mae' ba leuum' na' a ku vae' leuceng leukah' Eun na'."



Kopti Peucawo' leumeus' Eun peue
bhen' keute' na', Eun hkam' ri
tuil' Kon' ai' ti peue ri na' Eun.
Punta peue yum' Kon' ai' Eun
na' ku peue kaw ce un' lulaic,
daecti ce kaw pun cit'
tip a'yu tip
cot'cu na'.



Ro'ma 3:23

kopti yeuh peue map' na' ku peue, peue hk'uic' hk'ai'
munhpung' Eun Peucawo' na'.

Ro'ma 6:23

Kopti ngos reng ka map' na' meuh a hk'a' yeum na'.
Daecti lapsawng' lih neum Peucawo' Eun na' a meuh cit'
tip a'yu tip cot'cu hk'a'naee Yesu' Hkrit Cawo' meuh
Peucawo' e' na' Eun.

Hebrae' 9:27

A seun' peue na' pun peue ri hkam' hk'a' tang' ri uin' ri
kaw yeum ti pok yawo na' yeut, hawc' ka na' peue kaw
pun ri hkam' hk'a' taws' a'mu na'.



E'fe'su' 2:8,9

Kopti meuh a mun' Eun Peucawo' na', pe' pun hk'a' htut lawtpon na' ri hk'a' yum' pe' na'. Hk'a' htut aen' na, pe' hkuin' pun a ri yeuh meun pe' a, daecti a meuh lapsawng' lih neum Peucawo' Eun, a hkuin' meuh hk'a' htut lawtpon yeuh pe' ri pun, punta a'nhaw' hkuin' kaw cang yeuh a meuh seure' ri kop a saec' ti peue.

Ro'ma 10:9,10

Aen' na ko', moeng pe' na' a lawn rap ri ti Yesu' meuh Eun Peucawo' na' mae' hpum' pe' na' a yum' Peucawo' yeuh Eun Yesu' Eun tang kuh' im' hk'ai' vang yeum ri na' ko', pe' ku kaw pun ri rap ri ti hk'a' htut lawtpon na' yeut. Kopti meuh a yum' pe' ri hpum' ri na', Eun sawn' pe' meuh peue leupaws seumeu'. Mae' kopti meuh a rap pe' ri ti ri moeng ri na', Eun yeuh pe' lawtpon.



Yo'han 3:16,17

Kopti Peucawo' leumeus' Eun peue bhen' keute' na', Eun hkam' ri tuil' Kon' ai' ti peue ri na' Eun. Punta peue yum' Kon' ai' Eun na' ku peue kaw ce un' lulaic, daecti ce kaw pun cit' tip a'yu tip cot'cu na'. Kopti Peucawo' Eun hkuin' cus' Kon' ai' ri na' Eun lih pang bhen' keute' na' punta kaw Eun taws' a'mu ri bhen' keute' na', daecti a meuh punta kaw Eun teum'kawm bhen' keute' na' lawtpon ri Kon' ai' ri na' Eun.

1 Yo'han 5:11-13

Sa'hki' aen' a meuh Peucawo' tuil' Eun cit' tip a'yu tip cot'cu ri e' na'. A'yu aen' a kue' hk'a'naee Eun Kon' ai' Eun na'. Peue kue' Kon' ai' Eun Peucawo' na' kue' ce a'yu. Peue un' kue' Kon' ai' Eun na' ce un' kue' a'yu. Punta kaw pe' yawng pun ri cit' tip a'yu tip cot'cu na' hawc' na', ui' tem' ri tuil' ceu nang aen' ce ri peue yum' muis Eun Kon' ai' Eun Peucawo' na' pe'.



Mahtae 8-9; Maku' 1-2, 4; Lu'ka 4, 8; Yo'han 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Plang (Blang) NT (blr) © (Active), Wycliffe Bible
Translators, Inc. All rights reserved.

<https://www.bible.com/en-GB/bible/2819/MAT.1>

©2026 Bible for Children, Inc.

www.M1914.org

www.bibleforchildren.org

